

Rationem verè & rectè disputandi seu probandi potius inter omnes sanos ac prudentes convenire & constare arbitror hanc, ut, quod tu seu credas seu non credas, me verò credere velis, firmis & in sese indictis atq; ex intimis rerum credendarum visceribus eductis argumentis probes atq; demonstras. Nam quod ex Aristotele afferri solet (cap. 2. Elench. Sophistic.) Δεῖ πιστεύειν τὸν μανθάνοντα, Oportet discentem credere, quod & B. Augustinus (lib. II. de Ordine c. 9.) ambitiosius exponit, illud eò usq; valet, dum discipulus adhuc es atq; rerum seu disputationum imperitus, quà abstersà mendà cessat etiam temporanea illa regula, quod & l. c. concedit B. Pater, inquiens, Si per proposita precepta docilis factus (discens) fuerit, tum demum discet, et quantà ratione prae dicta sint ea ipsa, quae sequuntur est ante rationem, & quid sit ipsa ratio, quam post autoritatis cunabula firmus & idoneus jam sequitur & comprehendit; & ipsi, aliàs increduli, apud Evangelistam (Job. IV, v 42) fatentur & concedunt Samaritani, Jam propter tuam (mulieris quae de Messià retulerat) orationem credimus, ipsi enim audivimus & scimus, quod hic est verè Servator mundi Christus. Quamquam enim hoc altius excurrat, cum non ψιλὸς ἀνθρώπος, sed Θεὸς ἀνθρώπος heic loquutus fuerit, apud quem veritas non tam ab objecto pendet quàm à subjecto, quod in nobis hominibus contrario sese habet modo, exinde tamen duo probationum momenta fortiter eliciuntur, quod paullò post videbimus. Aliàs, quod ab initio dicere ingressus sum, credituro seu, ut generalius loquar, assensuro h. e. πειθισομένω, demonstrari omninò & opus & necesse est, non tam τὸ τί καὶ ὅτι, quid sit & quòd reverà sit, quàm ipsum τὸ διότι, quare & propter quam causam ita sit, ut audiens seu cognoscens postea reddatur quasi ἀμετάπτωτος. Atq; hoc ipsum sanè ex solà autoritate dicentis sive docentis oriri & proficisci non potest, ut qui & in apprehensione & in accommodatione, applicatione seu iudicio falli omninò potest, confirmante hoc non solùm sacrà Scripturà, sed comprobante etiam cottidianà experientià

ἀμαρτάνειν καὶ ἴδ' σοφῆ σοφώτερον.

Unde